

Fundargerð



MÝVATN

Sveitarstjórn Skútustaðahrepps *63. fundur.*

að Hlíðavegi 6, fimmtudaginn 12. des. 2013, kl 14:30.

DAGSKRÁ:

1. Fundarsetning.
2. Þriggja ára fjárhagsáætlun 2015-2017, síðari umræða.
3. Viðauki við fjárhagsáætlun 2013.
4. Fundargerð Skipulags- og umhverfisnefndar dags. 2.des.
5. Fundargerð Atvinnumálanefndar dags. 5. des.
6. Erindi frá Landgræðslunni v/samstarfsverkefnisins „Bændur græða landið“.
7. Sorpmál.
8. Trúnaðarmál.
9. Styrkur til Björgunarsv. Stefáns.

Til kynningar:

Pakkarbréf vegna stuðnings við málþing um Jakobínu Sigurðardóttur.

Mættir: Dagbjört Bjarnadóttir, Böðvar Pétursson, Karl Emil Sveinsson, Eyrún Björnsdóttir, Friðrik K. Jakobsson.

1. Fundarsetning.

Oddviti setti fund og óskaði eftir að máli nr. 9 yrði bætt á dagskrána. Samþykkt samhljóða.

2. Þriggja ára fjárhagsáætlun 2015-2017, síðari umræða.

Þriggja ára fjárhagsáætlunin rædd. Gert er ráð fyrir jákvæðri rekstrarniðurstöðu öll árin.

Sveitarstjórn samþykkir fjárhagsáætlunina samhljóða.

3. Viðauki við fjárhagsáætlun 2013.

00	SKATTTEKJUR		17.200.000
04	FRÆDSLÚ- OG UPPELDISMÁL	5.160.000	4.500.000
06	ÆSKULÝÐS-OG ÍP RÓTTAMÁL	2.400.000	1.600.000
07	BRUNAMÁL OG ALMANNAVARNIR	1.000.000	
09	SKIPULAGS OG BYGGINGAMÁL	5.200.000	
11	UMHVERFISMÁL	2.020.000	
13	ATVINNUMÁL	600.000	
		16.380.000	23.300.000
31	EIGNASJÓÐUR	3.650.000	6.400.000
33	ÞJÓNUSTUSTÖÐ	500.000	
41	VEITUR	700.000	2.600.000
57	LEIGUÍBÚÐIR		2.300.000
		4.850.000	4.900.000

Sveitarstjórn samþykkir m.f. viðauka við fjárhagsáætlun 2013. Aukningu gjalda samstæðunnar kr. 21,2 millj. er mætt með aukunum tekjum kr. 28,2 millj. Þá samþykkir sveitarstjórn að fjárfestingaráætlun vegna hitaveitu verði lækkuð um 8 millj. til að mæta kostnaði við ljósleiðaraframkvæmdir. Kostnaður vegna lagningar ljósleiðara eru áætlaðar um 14. millj. Eftirstöðvar af þeim kostnaði kr. 6. millj. er mætt með handbæru fé.

Ekki reyndist þörf á 30 millj. lántöku eins og áætlanir gerðu ráð fyrir.

4. Fundargerð Skipulags- og umhverfisnefndar dags. 2.des.

1. Aðalskipulag Skútustaðahrepps 2011-2023. Breyting á aðalskipulagi í Reykjahlíð.

Lögð fram lýsing vegna breytinga á Aðalskipulagi Skútustaðahrepps 2011-2023 frá Teiknistofu arkitekta Gylfa Guðjónssyni og félögum ehf dags. 27. nóvember 2013. Skipulags- og umhverfisnefnd leggur til við sveitarstjórn að hún samþykki lýsinguna og feli jafnframt skipulags- og byggingarfulltrúa að leita umsagnar um hana hjá Skipulagsstofnun og umsagnaraðilum og kynna hana fyrir almenningi eins og 1. mgr. 30. gr. skipulagslaga nr. 123/2010 kveða á um.

2. Aðalskipulag Skútustaðahrepps 2011-2023. Breyting á deiliskipulagi á Geiteyjarströnd.

Tekið fyrir að nýju tillaga að breytingu á Aðalskipulagi Skútustaðahrepps 2011-2023 vegna fyrirhugaðs deiliskipulags á Geiteyjarströnd.

Skipulags- og umhverfisnefnd leggur til við sveitarstjórn að hún samþykki að gerð verði óveruleg breyting á Aðalskipulagi Skútustaðahrepps 2011-2023 er varðar stækkun á landnotkunarreit **325-O/V** skv. framlögðum gögnum. Þá leggur nefndin til við sveitarstjórn að hún feli skipulags- og byggingarfulltrúa að annast málsmeðferð vegna aðalskipulagsbreytingarinnar eins og 2. mgr. 36. gr. skipulagslaga nr. 123/2010 mælir fyrir um.

3. Hverfjall, deiliskipulag. Tillaga að deiliskipulagi.

Tekið fyrir að nýju erindi dags. 23. maí frá Ómari Ívarssyni hjá Landslagi ehf, f.h. Umhverfisstofnunar þar sem lögð er fram deiliskipulagslýsing vegna fyrirhugaðrar vinnu við deiliskipulag Hverfjalls/Hverfells og umhverfis. Erindið var áður á dagskrá nefndarinnar 27. maí s.l.

Innkomin ný gögn 27. nóvember 2013, tveir deiliskipulagsupprættir í mkv. 1:1000 og 1:4000 og greinargerð frá Ómari Ívarssyni hjá Landslagi ehf, f.h.

Umhverfisstofnunar.

Nefndin gerir nokkrar athugasemdir við framkomna tillögu en felur skipulags- og byggingarfulltrúa að kynna tillöguna og forsendur hennar fyrir íbúum sveitarfélagsins og öðrum hagsmunaaðilum eins og 4. mgr. 40 gr. skipulagslaga nr. 123/2010 kveður á um áður en hún verður tekin til afgreiðslu í sveitarstjórn.

4. Grímsstaðir 4. Stofnun lóðar.

Erindi dags 4. október 2013 frá Brynjólfi Steingrímssyni, f.h. Þorgerðar Egilsdóttur, Grímsstöðum 4, 660 Mývatn, þar sem sótt er um heimild til að stofna 4.226 m² íbúðarhúsaloðar í landi Grímsstaða 4 skv. meðfylgjandi lóðarblaði/loftmynd, dags. 3. október 2013, frá Búgarði

Skipulags- og umhverfisnefnd leggur til við sveitarstjórn að umsækjanda verði heimilað að stofna umrædda lóð og jafnframt verði skipulags- og byggingarfulltrúa falið að stofna lóðina í fasteignagrunni Þjóðskrár.

5. Bjarg. Stofnun lóðar.

Erindi dags 18. nóvember 2013 frá Finni Sigfúsi, Sólveigu og Jóni Illugabörnum þar sem þau sækja um að stofnuð verði sérstök lóð, Hörgur, 3.82 ha, út úr landi Bjargs. skv. meðfylgjandi lóðarblaði/loftmynd, dags. 19. janúar 2011, frá Búgarði.

Skipulags- og umhverfisnefnd leggur til við sveitarstjórn að umsækjanda verði heimilað að stofna umrædda lóð og jafnframt verði skipulags- og byggingarfulltrúa falið að stofna lóðina í fasteignagrunni Þjóðskrár.

Sveitarstjórn samþykkir afgreiðslu Skipulags- og umhverfisnefndar á öllum liðum fundargerðarinnar.

5. Fundargerð Atvinnumálanefndar dags. 5. des.

Í öðrum lið fundargerðarinnar eru tekin fyrir uppgjör fjallskila. Töluverðar umræður urðu um fjallskil þetta haustið þar sem veður setti strik í reikninginn og göngur urðu með öðrum hætti en til var ætlast. Reikningar til niðurjöfnunar gangna eru kr. 14.640,-

Einungis gangnaforingi Norðurfjalla skilaði gangnaskýrslu og telur nefndin það slæmt að gangnaforingjar skili ekki skýrslunum. Fjallaskilasjóðsgjald, gangnaskylda og girðingargjald pr. kind er kr. 888,-

Í þriðja lið fundargerðarinnar kemur fram að nefndin óski eftir því við sveitarstjórn að fá að eiga viðræður við Vegagerðina um veggirðingar í sveitarfélaginu.

Sveitarstjórn samþykkir afgreiðslu Atvinnumálanefndar á liðum tvö og þrjú. Aðrir liðir fundargerðarinnar þarfnast ekki ályktunar við.

6. Erindi frá Landgræðslunni v/samstarfsverkefnisins „Bændur græða landið“.

Með bréfi dags. 28. nóvember s.l. óskar Landgræðslan eftir styrk frá sveitarfélaginu vegna samstarfsverkefnisins „Bændur græða landið“ og til annarra verkefna að upphæð kr. 330.000,- Í Skútustaðahreppi eru nú skráðir 15 þátttakendur í BGL verkefninu og telur Landgræðslan þetta samstarfsverkefni eitt af sínum mikilvægari verkefnum.

Sveitarstjórn samþykkir erindið.

7. Sorpmál.

Fyrir fundinum liggja drög frá Sorpsamlagi Þingeyinga um mat á leiðum og kostnaði við sorphirðu. S.Þ. fól Eflu verkfræðistofu að leggja mat á leiðir við flokkun, söfnun, meðhöndlun og flutning úrgangs frá heimilum innan samlagssvæðisins og kostnaði við þær. Þá voru og kynntar þær leiðir sem Vopnafjarðarhreppur og Grýtubakkahreppur hafa farið í þessum málaflokki. Ýmislegt rætt og áfram verður unnið að lausn málsins.

8. Trúnaðarmál.

Fært í trúnaðarmálabók.

9. Brú yfir Jökulsá.

Fyrir fundinum liggur bréf frá Skipulagsstofnun dags. 26. nóv. þar sem óskað er eftir umsögn sveitarfélagsins á því hvort og á hvaða forsendum brú yfir Jökulsá á Fjöllum skuli háð mati á umhverfisáhrifum að teknu tilliti til 3. viðauka í lögum nr. 106/2000 m.s.b.

Sveitarstjórn Skútustaðahrepps fagnar fyrirhugðum framkvæmdum Vegagerðarinnar við nýja brú yfir Jökulsá á Fjöllum. Sveitarstjórn telur að fyrirhuguð framkvæmd sé ekki háð mati á umhverfisáhrifum að teknu tilliti til 3. viðauka í lögum nr. 106/2000 um mat á umhverfisáhrifum.

10. Styrkur til Björgunarsv. Stefáns.

Sveitarstjórn Skútustaðahrepps samþykkir að færa Björgunarsveitinni Stefáni kr. 250.000,- að gjöf. Með gjöfinni vill sveitarfélagið þakka Björgunarsveitinni fyrir hennar mikilvægu og óeigingjörnu störf í þágu samfélagsins.

Karl Emil tók ekki þátt í afgreiðslu málsins.

Fleira ekki gert.

Fundi slitið.

Dagbjört Bjarnadóttir,

Böðvar Pétursson,

Karl Emil Sveinsson,

Eyrún Björnsdóttir,
Friðrik K. Jakobsson.